

DEPARTAMENTO REGISTRO Y CENSO LO MESTER MUDA

Mester traha espacio pa oficinanan di parlamentarionan cu ta bira parlamentario full time

CONSALVI NA CORSOW AWE PA PAPIA Ariba TUMAMENTO OVER DI SHELL

ORANJESTAD(AAN)—E ministro Venesolano pa Asuntunan di exterior Simon Alberto Consalvi ta viaja awe pa Corsow pa papia encuanto eventual tumamento over di refineria di Shell, segun a ser anuncia na Caracas.

Manera DIARIO a publica anteriormente, Venezuela a propone pa gobierno di Venezuela, di Hulanda y di Antillas tuma operacion di Shell over pero sin participacion di Shell.

Ayera Venezuela a laga sa cu Shell no a hiba e negociacionnan cu buena voluntad pero mas bien cu mala fe.

"Tabata masha cla cu Shell cu a opera na Corsow pa mas di 60 aña no tabata tin ningun otro pensamiento durante e negociacionnan, cu pasamento di operacion di e refineria den otro man", segun e ministro di Energia di Venezuela a laga sa.

E siman aki Shell a laga sa cu e refineria lo mester cera su portanan y cu Shell ta dispuesto durante un periodo transitorio di mantene e refineria den operacion, si e gobiernonan dicidi di tuma e refineria over.

Segun e informacionnan cu DIARIO a logra haya ayera anochi, e bishita di Simon Alberto Consalvi na Curacao awe lo ta solamente pa un dia.

BEPDA NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DIARIO


Bo Matutino
Netamente Arubiano

DI ARUBA

DIAVIERNA 2 AUGUSTUS 1985 AÑA 4, No. 1386

CORTAMENTO DI LIBERTAD DI EXPRESION DI PARLAMENTERIONAN

**DOS POMP DI
GASOLINE LO
NO DUNA
SERVICIO
DIADOMINGO
MAS**



Invitadonan a haya un preview di locual lo ser presenta den Roselandballroom y Aladin Theatre di Alhambra Bazar. E ballroom a keda inaugura oficialmente, mientras cu den e dianan venidero lo inaugura e teatro oficialmente tambe. Ariba e fotonan aki por mira con e publico tabata goza y balia den e ballroom ariba tono di e orquesta americano di e Ballroom, tambe por mira Sonia Gevers cu su grupo di baile cu a haci nan debut den e teatro di e Bazar y un pareha haitiano cu a duna un presentacion tipico di Haiti cu bailenan di tambu y di voodoo. Mas di esaki por lesa ariba pagina 10 di e edicion di awe.

